

«ՍՊԵՑԻՅԻԿՆԵՐԸ» ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ
(1918—1920 թթ.)

Ա. Մ. ՀԱՎՈՐՑԱՆ

ՍԴՐՀԿ՝ կամ այսպես կոչված «սպեցիֆիկներին» գործունեությունը վերլուծելիս ու զննահատելիս այն կարելի է բաժանել երկու փուլի՝ նախահատն-րապետական (1903—1918 թթ.) և Հայաստանի Հանրապետության (1918—1920 թթ.) ժամանակաշրջան։ Գործնականում այս երկու փուլերը որակապես իրարից տարբերվում են։ Եթե առաջին շրջանում ՍԴՐՀԿ իրենից ներկայաց-նում էր զուտ բանվորական, մարքսիստական, սոցիալ-դեմոկրատական դա-վանանքի ու բովանդակության կազմակերպություն, ապա Հայաստանի Հանրապետության ժամանակաշրջանում, հաշվի առնելով Ռուսաստանի, Անդրկովկասի ու Հայաստանի կյանքում տեղի ունեցած մի շարք նոր իրո-դություններ և դրանց լույսի տակ վերագնահատելով իր ծրագրի ու դործե-լակերպի առանձին գրույթներն ու մոտեցումները, քաղաքական որոշակի բարեշրջում (էվոլյուցիա) ապրեց։ Նա, սոցիալիստական աշխարհայացքին հավատարիմ մնալով՝ հանդերձ, հետապնդում էր ազգային-պետական շա-հեր։ Արդեն 1920 թ. սկզբներին նա հայոց անկախ պետականության պաշտ-պանության դիրքերում էր։ Այս կապակցությամբ ՀՀԴ քաղաքական գործիչ ու տեսաբան Ռ. Դարբինյանը գրում էր. «Տարիների ընթացքում սակայն հայ սոցիալ-դեմոկրատների մեջ տեղի ունեցավ հիմնական կերպարանա-փոխություն։ Սրա ավելի առողջ ու շիտալ մասը հետզհետե զգաց իր սխա-լը և ենթարկվեց ազգայնացման, աշխուժեց իր դասակարգային ըմբռնում-ները հաշտեցնել ազգային տեսակետը՝ հետ ու սոցիալիստական գաղափար-ները դնել ազգային գաղափարի մեջ։ Հոգեբանական այդ բարեշրջման շնոր-հիվ էր, որ մեր օրերում հնարավոր դարձավ Հայաստանի սոց.-դեմ. բան-վորական կուսակցության (ՀՍԴԲԿ) կազմակերպումը, որի ըմբռնումը ազգու-թյան մասին գոեթե ոչնչով այսօր չի տարբերվում ՀՅԴ ավանդական տեսա-կետից»¹։ «Սպեցիֆիկները» հայ քաղաքական այն կազմակերպություններից էր, որ կարճ ժամանակամիջոցում դարձավ Հայոց պետականության ամե-նաջերմ պաշտպաններից մեկը։

ՀՀ գոյության առաջին տարում «սպեցիֆիկներին» կշիռն ու ազդեցու-թյունը հանրապետության հասարակական-քաղաքական կյանքում շատ աննշան էր։ Դա երևաց հատկապես 1919 թ. հունիսին կայացած Հայաստա-նի խորհրդարանական ընտրությունների ժամանակ, երբ այդ կազմակեր-պությունը չկարողացավ պատգամավորական որևէ տեղ գրավել²։ Նրանք չէին ներկայացել առանձին ցուցակով, քանի որ բանվորասակավ Հայաս-տանում շատ քիչ հետևորդներ ունեին և կազմակերպչորեն դեռևս չէին ձևավորվել որպես ինքնուրույն կուսակցություն։ Այս և այլ պատճառներով կազմակերպության ղեկավարները անհրաժեշտ գտան հիմնել կուսակցու-թյուն։

1920 թ. փոփոխության 18-ին նրանք հանգես եկան մի կոչ-հայտարարու-թյամբ, որում ազդարարում էին սակայն Հայաստանի հողի վրա նոր կու-սակցության՝ Հայաստանի սոցիալ-դեմոկրատական բանվորական կուսակ-

¹ Հառաջ, 30. ՄԻ. 1920,

² Ս. Վրացյան, Խորհրդայիններ, Բոստոն, 1924, էջ 68:

զուրյախ (ՀՍԴԲԿ) հիմնադրման մասին³ Այդ նշանակում էր, որ «սպիցի-ֆիկները» վերաճում են քաղաքական-կազմակերպական նոր որակի՝ կուսակցության, ՀՍԴԲԿ-ի հիմնադիր անդամներն էին՝ Դավիթ Անանուն, Պետրոս Զախարյան, Բախչի Իշխանյան, Յուսկ Խանգաղյան, Աշոտ Մե-լիք-Հովսեփյան, Գագիկ Պրեկյան, Պողոս Օհանջանյան, Խաչիկ Սամ-վելյան, Տրդատ Տրդատյան⁴։ Այս նորհիմն կուսակցությանը միանում են, այսպես կոչված, անկախ սոցիալիստները՝ հայ մենշևիկների մի մասը⁵։

Հունվարի 18-ի հայտարարությունը բովանդակային առումով փաստորեն ուներ ծրարային նշանակություն։ Հայտարարում կրկին ընդգծվում էր նորաստեղծ կուսակցության հավատարմությունը սոցիալիզմի ուսմունքին և սոցիալ-դեմոկրատական դործակերպին։ Բայց դրա հետ միաժամանակ վերագնահատման էին ենթարկվում նախկին կազմակերպության քաղաքական նվաղագույն ծրագրի որոշ կետեր, և առաջադրվում էր կուսակցության մոտակա քաղաքական դործունեության հաճախ պատճառները։ «Ամուր ումեռնով կուցվել սգգային պետականության տեսակետի վրա, այսինքն ընդունել հայ ժողովրդի ազգային ինքնորոշումը, որ է՝ միացյալ Հայաստանի, որպես քաղաքական ուրույն միավորի, անկախությունը»⁶։ Այդ նշանակում է, որ ՀՍԴԲԿ-ը իր հիմնադրման պահից ընդունել է միացյալ և Անկախ Հայաստանի գաղափարը։ Նրա դործունեության առաջնությունը Հայաստանի Հանրապետությունն էր և վերջինիս առջև ծառացած քաղաքական ու սոցիալ-տնտեսական բազմաբնույթ խնդիրները։ Հայաստանի նորունկախ հանրապետությունը ՀՍԴԲԿ համար պատկերանում էր իբրև ուսման վար (ժողովրդավարական) պետություն, ուր առանց ազգային ու կրոնական խտրականությունից պետք է ապահովվեին քաղաքացիների ազատությունն ու իրավունքները⁷։ Այս կուսակցությունը հետևողականորեն հանդես էր գալիս ազգային փոքրամասնությունների քաղաքացիական, ազգային-հոգևոր-մշակութային իրավունքների պաշտպանության օգտին։

Ագրարային հարցում ՀՍԴԲԿ-ն պահանջում էր դուրսացնել հողա-յին կարիքների ամենալայն բավարարում, իսկ տնտեսական քաղաքականության խնդրում նրանք մի կողմից խրախուսում էին մասնավոր, ձևականության դործունեությունը, մյուս կողմից, որպես սոցիալիստներ, կառավարությունից պահանջում էին արդյունաբերական, տնտեսական ու մշակութային հանրօգուտ ձեռնարկությունների ու հաստատությունների հետըզհետե պետականացում⁸։

Միջկուսակցական և կառավարության հետ փոխհարաբերություններում Հայաստանի սոցիալ-դեմոկրատները ցուցաբերում էին ավելի իրատես ու սթափ մոտեցում։ Նրանք դիմում էին, որ հայոց պետականության գերխնդիր հրամայականով բոլոր կուսակցությունները պետք է հետաձգեն սկզբունքային տարաձայնությունները և մշակեն փոխզիջումային հաշտության և համագործակցության ուղեղիծ⁹։ Հայ քաղաքական կուսակցությունների մերձեցման ու համագործակցության հիմքում պետք է դրվեր Հայոց անկախ պետականության կայացման գաղափարը։ Եվ այս դժվարին խնդրի իրականացման ճանապարհին ամենամեծ պարտականությունը և պատասխանատվությունը ընկնելու էր կառավարող ՀՀԴ կուսակցության վրա։ Հայաստանի սոցիալ-դեմոկրատները ամենևին էլ համակրանք չէին տալում

³ ՀՀ Հասարակական-քաղաքական կազմակերպությունների փաստաթղթերի պետական կենտրոնական արխիվ (այսուհետև՝ ՀՀ ՀՔԿՓ ՊԿԱ), ֆ. 1022, ց. 7, գ. 68, թ. 1։

⁴ Նույն տեղում։

⁵ Վ. Ա. Ավետիսյան, Հայ հասարակական մտքի զարգացման մարքս-լենինյան փուլի սկզբնավորումը, Ե., 1976, էջ 510։

⁶ ՀՀ ՀՔԿՓ ՊԿԱ, ֆ. 1022, ց. 7, գ. 68, թ. 1։

⁷ Նույն տեղում։

⁸ Նույն տեղում։ Տե՛ս նաև Հայաստանի կոոպերացիա, 30. XI. 1919, էջ 581—582։

⁹ ՀՀ ՀՔԿՓ ՊԿԱ, ֆ. 1022, ց. 7, գ. 68, թ. 1։

Դաշնակցություն կուսակցության հանդեպ, տեղն եկած ժամանակ քըն-նադատության թիրախ էին դարձնում նրան։ «Դաշնակցության խնդրում,—կարդում ենք նրա որոշումներից մեկում,—որպես կառավարող կուսակցու-թյուն, մեր վերաբերմունքն այն է, որ նա կարող է արժանանալ մեր բարո-յական աջակցությանը այն ժամանակ, եթե մեր ժողովրդին ու երկրին, մեր պետությանն ու անկախությանը կսպառնա վտանգ՝ արտաքին թե ներքին ուժերի հարվածներից»¹⁰։

ՀՍԴԲԿ թեև քանակապես շատ փոքրաթիվ էր, սակայն նրա անդամնե-րը ՍԴԲՀ շարքերում, ավելի քան մեկ և կես տասնամյակի ընթացքում, անցել էին քաղաքական պայքարի դպրոց ու ձեռք էին բերել հարուստ փորձ։ Ինքնին հասկանալի է, որ իր սոցիալական կազմով զուտ բանվորա-կան համարվող այսպիսի կուսակցությունը բուն Հայաստանում չունե-րի թե շատ ամուր սոցիալական հենարան, քանզի բանվոր դասակարգ, որպես այդպիսին, հանրապետությունում գրեթե չկար¹¹։

Եթե ՍԴԲՀ կազմակերպությունը Անդրկովկասում հանդես էր դալիս որպես զուտ հայ բանվոր դասակարգի շահերի արտահայտիչ ու հռուստո-կան պաշտպան, ապա Հայաստանի բանվորասակավ հանրապետությունում կուսակցության վերաճած նախկին «սպեցիֆիկները» (իրենց սոցիալական հենարանը ընդլայնելու նպատակով) արդեն խորթ չէին համարում բան-վորների կողքին նշել նաև աշխատավոր զանգվածների՝ չքավոր գյուղացի-ների, մանր արհեստավորների ու առևտրականների սոցիալական կարգա-խմբերը, հանդես գալ նրանց անունից։ Թե՛ ծրագրային-քաղաքական պա-հանջներում և թե՛ սոցիալ-դասակարգային բովանդակության տեսակետից «սպեցիֆիկները» շմանցին որպես դոգմատիկներ, այլ պատմաքաղաքական դեպքերի ու իրադարձությունների հրամայականով աշխատեցին ընթանալ ժամանակին համաքալ՝ վերանայելով ու կատարելագործելով իրենց ռազ-մավարական և մարտավարական ցինանոցը։

Նկատի ունենալով, որ ներկա փոփոխված քաղաքական պայմաններում արդեն հնացել էին «սպեցիֆիկներին» ծրագրի տեսագործական շատ կետեր ու առաջադրություններ, ուստի անհրաժեշտություն առաջացավ վերանայել ու մշակել նոր ծրագիր։ Այդ նպատակով 1920 թ. մայիսի 28-ին (Հայաստանի անկախության երկրորդ տարեդարձի օրը) Ալեքսանդրապոլում դրվարվեց կուսակցության համագումար (կոնֆերանս)¹²։ Համագումարի աշխատանք-ներին մասնակցում էին Երևանի, Ալեքսանդրապոլի, Ղարաբաղի և մի շարք այլ կազմակերպությունների ներկայացուցիչներ։ Օրակարգում դրո-ված էին զեկուցումներ, կուսակցության ծրագրի, գործելակերպի, կազմա-կերպական հարցեր և ԿԿ-ի ընտրություններ¹³։ Օրակարգային հինգ հարցե-րից կենտրոնականը կուսակցության ծրագիրն էր, որը վերջնականապես մշակվեց և ընդունվեց համագումարում։ Այստեղ ևս կուսակցության ծրագրի տեսական մասը հենվում էր մարքսիզմի ուսմունքի վրա այնպես, ինչպես ՍԴԲՀ կազմակերպության ծրագրում էր։ Նոր ծրագրում, ընդհանուր դրույթ-ների ձևով, խոսվում էր բուրժուազիայի և պրոլետարիատի դասակարգա-յին հակամարտության, վերջինիս կողմից սոցիալիստական հեղաշրջման անխուսափելիության և սոցիալիստական հասարակության հաստատման անհրաժեշտության մասին, որով, ըստ նրանց, ազատություն կստանար ոչ միայն պրոլետարիատը, այլև համայն մարդկությունը¹⁴։ Ծրագրում տե-սական մի քանի դրույթ էլ ընդօրինակված էր գերմանական սոցիալ-դե-

¹⁰ Նույն տեղում, գ. 72, էջ 81

¹¹ Հայաստանի աշխատավոր, 16. I. 1919

¹² ՀՀ ԶԲԿ ՊԿԱ, ֆ. 1022, ց. 7, գ. 72, էջ 3, ՀՀ Պետական կենտրոնական պատմահա-մարտի (այսուհետև՝ ՀՀ ՊԿԱ), ֆ. 393, ց. 1, գ. 303, թ. 1

¹³ Ժողովուրդ, 10. VI. 1920, Բանվորի ձայն, 20. VI. 1920

¹⁴ ՀՀ ՊԿԱ, ֆ. 404, ց. 1, գ. 12, թթ. 3—4

մոկրատների՝ էրֆուրտի ծրագրից¹⁵, «Սպեցիֆիկները» իրենց ուսուցիչներն էին համարում մարքսիզմի մեծ տեսարանների Կ. Կաուցկուն և Գ. Պլեխանովին¹⁶։

Հայաստանի սոցիալ-դեմոկրատների, որպես սոցիալիստների, գործունեության գլխավոր խնդիրն էր կազմակերպել ու դաստիարակել պրոլետարիատին (այլ՝ անշխատավոր մասսաներին) և ղեկավարել նրանց կոիվը¹⁷, բայց այդ կոիվը մղվելու էր ոչ թե պրոլետարիատի դասակարգային տիրապետության (դիկտատուրայի) հասնելու համար, ինչպես գտնում էին բոլշևիկ-լենինյանները, այլ առհասարակ վերացնելու դասակարգային տիրապետությունը և հաստատելու արդար, ժողովրդավարական, բաղաբացիական հասարակություն՝ ղերծ դասակարգային, աղգային, կրոնական, սեռային շահագործումից ու բռնությունից¹⁸։

Նոր ու ինքնուրույն էր ծրագրի գործնական մասը։ Առանձնահատուկ տեղ էր տրվում հայ ժողովրդի պետական ինքնորոշման փաստին։ Նրանում ընդգծվում էր, որ կուսակցությունը կանգնած է Միացյալ և Անկախ Հայաստանի պետականության տեսակետի վրա¹⁹, «ՀՍԴԿ, — կարդում ենք ծրագրում, — նեցուկ է կանգնում Միացյալ Հայաստանի քաղաքական անկախության, պաշտպանում է նրա պետական ինքնուրույնությունը՝ իբրև ռամկավար հանրապետություն»²⁰, Հստ ծրագրի, պետության գերակայիչ ուժը ժողովուրդն է, որն ընտրում է ներկայացուցչական ժողով և դրա միջոցով իրականացնում պետության կառավարումը։ Կուսակցության ծրագրի սոցիալ-տնտեսական և իրավաքաղաքական բնթացիկ պահանջները շատ նման էին ՀՀԴ-ի, Սահմանադիր ռամկավար և Հայ ժողովրդական կուսակցությունների ծրագրերի նվազագույն պահանջներին։ Այսպես՝ կուսակցությունը դարձած «սպեցիֆիկները» պաշտպանում էին ռամկավարական (ընդհանուր, հավասար, ուղղակի և գաղտնի) ընտրակարգը, տեղական լայն ինքնավարություն, անձի և բնակարանի անձեռնմխելիության, դեմոկրատական (խրդձի, խոսքի, մամուլի, ժողովների, գործադուլի, միությունների) ազատությունների, դասերի վերացման, կրթության իրավունքի, աղգային փոքրամասնությունների համար աղգային-մշակութային ինքնավարության, անվճար ուսման ու բժշկության, եկեղեցու՝ պետությունից անջատման, իսկ դպրոցը՝ եկեղեցուց և համանման այլ պահանջներ²¹։

Հողային խնդրում «սպեցիֆիկները» արտահայտվում էին կալվածատիրական, եկեղեցական և վանքապատկան հողերի պետականացման օգտին, Պետականացված այդ հողերը աշխատանքային նորմայով տրվելու էին բոլոր կարիքավոր քաղաքացիներին, իսկ գյուղական համայնքների հողերը մնում էին համայնքների իրավասության ներքո²², Դ. Անանունը հողային խնդրում գտնում էր, որ այն Հայաստանում տակավին սուր բնույթ չունի, բանի որ տարբեր պատճառներով գոյացել են մեծաքանակ անմշակ հողեր²³։

Հայաստանի սոցիալ-դեմոկրատները, իրենց համարելով բանվորական կուսակցություն, գործնականում ոչ մի առավելություն կամ արտոնություն չէին նախատեսում ախդ դասակարգին։ Նրանք բանվորների համար պահանջում էին ութժամյա աշխատանքային օր, շարաթական հանգիստ, կանանց ու երեխաների գիշերային աշխատանքի արգելում²⁴, մի խոսքով, այնպիսի

15 ՀՀ ԶԲԿ ՊԿԱ, ֆ. 1022, ց. 7, դ. 72, էջ 4։

16 Բ. Իշխանյան, Հայ հեղափոխական շարժումը Անդրկովկասում, Բաքու, 1918։

17 ՀՀ ՊԿԱ, ֆ. 404, ց. 1, դ. 12, թ. 5։

18 Նույն տեղում։

19 ՀՀ ԶԲԿ ՊԿԱ, ֆ. 1022, ց. 7, դ. 72, էջ 5։

20 ՀՀ ՊԿԱ, ֆ. 404, ց. 1, դ. 12, թ. 5։

21 Նույն տեղում, թ. 6—7։

22 Նույն տեղում, թ. 7։

23 Նոր սերունդ, 17. III. 1920։

24 ՀՀ ՊԿԱ, ֆ. 404, ց. 1, դ. 12, թ. 7։

պահանջներ, որ առկա էին այդ շրջանում իրեն ժողովրդավարական համարող ցանկացած կուսակցության ծրագրում:

ՀՍԴԲԿ 1920 թ. մայիսյան համաժողովում հաստատվել է նաև Կանոնադրությունը, Կազմակերպական առումով ՀՍԴԲԿ անկախ կուսակցություն էր (կախում չուներ որևէ ուրիշ կուսակցությունից) և համարվում էր հայ պրոլետարիատի ներկայացուցիչը: Կուսակցության կազմակերպական ստորին օղակը խումբն էր: Խմբերի միավորումով հիմնվում էին գյուղական և քաղաքային ենթակոմիտեներ ու կոմիտեներ: Կուսակցության լարձրագույն մարմինը համագումարն էր, որը հրավիրվում էր կուսակցության ԿԿ-ի նախաձեռնությամբ՝ տարին մեկ անգամ: Համագումարների միջև ընկած ժամանակամիջոցում Կուսակցության բարձրագույն գործադիր ղեկավարությունը իրականացնում էր Կենտրոնական կոմիտեն: Կենտկոմը ընտրվում էր համագումարի կողմից, մեկ տարով: Կենտկոմի որոշումները պարտադիր էին Կուսակցության բոլոր մարմինների համար: Կուսակցությունն ուներ իր կենտրոնական օրգանը²⁵:

Կուսակցության մայիսյան համագումարը ընտրեց հիշյ հոգուց բաղկացած Կենտրոնական կոմիտե: ՀՍԴԲԿ ԿԿ-ի նախագահ փոխնիսիս ընտրվեցին ԿԿ-ի անդամներ Բ. Իշխանյանը, Տր. Տրդատյանը և ուրիշներ²⁶:

ՀՍԴԲԿ քիչ թե շատ աչքի ընկնող կազմակերպություններից էին Երևանի, Ալեքսանդրապոլի և Ղարաբաղի կոմիտեները: Կուսակցությունը զգալուն կերպով արձագանքում էր ՀՀ-ում և նրա շուրջը կատարվող իրադարձություններին: Նրա գործունեության հիմնական ձևերն էին կոչերը, թուցիկները, հրապարակային դասախոսությունները, զանազան տպագիր հրապարակումները և այլն:

Ցավոք, ՀՍԴԲԿ հիմնումը և շուրջ մեկամյա գործունեությունը համընկավ Հայաստանի Հանրապետությանն սպառնացող վտանգների, նրա վայրէջքի ու անկման հետ: Ինչպես հայտնի է, ՀՀ քաղաքական ճգնաժամը սկսվեց բոլշևիկների կազմակերպած մայիսյան հայտնի ապստամբությամբ: Սյսամենը սկսվեց Ադրբեջանի «Թավշյա հեղափոխությունից», երբ քեմալականների համաձայնությամբ, առանց որևէ կրակոցի, 11-րդ Կարմիր բանակը մուտք գործեց Բաքու, և Ադրբեջանը խորհրդայնացվեց: Հաջորդ քաղաքային պետք է լիներ Հայաստանի խորհրդայնացումը: Միանգամայն տեղի՝ ուղիղ էր նկատում ՀՍԴԲԿ-ի Երևանի կոմիտեն, երբ 1920 թ. ապրիլի 28-ի Բաքվի ղեկավարը որակում էր. «ոչ այլ ուրիշ քան, եթե ոչ ծրագրված քաղաքական խաղ»²⁷:

Մայիսյան ապստամբության ծանր օրերին Հայաստանի սոցիալ-դեմոկրատները միանշանակ դատապարտեցին հայ բոլշևիկների հակապետական վարքագիծը և հաստատականորեն կանգնեցին ՀՀ անկախ պետականության պաշտպանության դիրքերում: Ալեքսանդրապոլի գինված ելույթի կազմակցությամբ ՀՍԴԲԿ Երևանի կոմիտեն մայիսի 14-ին հրապարակեց կոչ՝ ուղղված բանվորներին, գյուղացիներին և քաղաքացիներին: Ահավասիկ մի հատված այդ կոչից. «Բաքվի քաղաքական կոմիտեի վերածվեց Ալեքսանդրապոլի ողբերգության: Մի խումբ ստորահոգի բախտախնդիրներ հանդգնեցին բարձրացնել քաղաքացիական կռվի արյունաշաղախ դրոշմ: ապստամբել հայ ժողովրդի ինքնորոշված կամքի դեմ: Զրահապատ գնացքի մեջ պատսպարված այդ մի խումբ անողականի ոճրագործ-դավաճանները իրենց խելագար արարքով օգնում են միայն արտաքին թշնամիներին՝ թե՛ Հայաստանը օղակող թուրք-թաթարական սպառնալիքն բանդաներին և թե՛ Պոլսի քաղաքագետներին»²⁸: Փաստաթղթում կոչ էր արվում աջակցել Հա-

²⁵ ՀՀ ՊԿՊԱ, ֆ. 404, ց. 1, գ. 12, թթ. 9—11:

²⁶ ՀՀ ՀԲԿՓ ՊԿԱ, ֆ. 1022, ց. 7, գ. 72, թ. 14:

²⁷ ՀՀ ՀԲԿՓ ՊԿԱ, ֆ. 1022, ց. 7, գ. 69, թ. 1:

²⁸ Նույն տեղում, գ. 70, թ. 3:

յաստանի կառավարությանը և խեղդել «հայրենադավ բոլշևիկ ոճրագործների խռովությունը»²⁹։

ՀՍԴԲԿ ջերմորեն ողջունեց Հայաստանի անկախության երկրորդ տարեդարձը։ Այդ նշանավոր տոնի առթիվ Նրեանի կոմիտեն տպագրեց Հայաստանի քաղաքացիներին ուղղված կոչ, որում ասվում էր. «Կիսավորը աղատություն ձեռք բերելը չէ, այլ ձեռք բերած ազատությունը պահպանելը»³⁰։ Կոչի հեղինակները ժողովրդին զգուշացնում էին խուսափել «գառնազգեստ գայլերի խարուսիկ շոյանքներից և սիրաշահումներից»³¹։

Արդեն 1920 թ. մայիսին ՀՍԴԲԿ-ին հայտնի էր բոլշևիկ-քեմալական համագործակցության, Մոսկվայի և էրզրումի քաղաքագետների ծրագրերի մասին, որոնց «հարազատորեն ծառայում էին հոգեվաճառ հայ բոլշևիկները»³²։

1920 թ. հունիսին ՀՍԴԲԿ ԿԿ-ը հատուկ կոչ է հղում աշխարհի բոլոր սոցիալիստական կուսակցություններին, Սոցիալիստական ինտերնացիոնալի Բյուրոյին՝ հորհրդային Ռուսաստանի, Թուրքիայի և Ադրբեջանի գործակցության հետևանքով Հայաստանի անկախ պետականությանը սպառնացող մահացու վտանգի մասին։ «Հորհրդային Ռուսաստանը, — ասված է կոչում, — դաշնակցած Ադրբեջանի թաթարների և թուրքական Անատոլիայում գործող ազգայնականների կամ Մուստաֆա Քեմալ փաշայի հետ, բոլոր կողմերից շրջապատել են Հայաստանը թշնամական ուժերով և սպառնում են ոչնչացնել հայ ժողովրդի այնքան թանկ գնով ձեռք բերված ազատությունը և անկախությունը։ Հորհրդային կառավարությունը սպառնում է իր համար ճանապարհ հարթել դեպի Արևելք՝ հայ դեմոկրատիայի դիակների վրայով»³³։ Այս փաստաթուղթը կարևոր էր նրանով, որ թուրք-բոլշևիկյան գործարքի փաստը ժխտող կամ առնվազն կասկածի տակ առնող հեղինակները հայտարարում էին, թե դա եղել է ընդամենը ՀՀԴ կուսակցության և Հայաստանի դաշնակցական կառավարության մտացածին հնարքը՝ իր տիրահաշակ տիրապետությունը երկարացնելու համար։ Մինչդեռ, ինչպես տեսնում ենք, թուրք-բոլշևիկյան համագործակցության մասին փաստում է ՀՀԴ-ին և Հայաստանի կառավարությանը ամենևին էլ ոչ համակիր ՀՍԴԲ կուսակցությունը։ Վերագրյալը հաստատելու համար ավելացնենք, որ հորհրդա-թուրքական համագործակցության մասին են վկայում այլ ընդդիմադիր կուսակցություններ, այդ թվում նաև՝ Ս. Դ. Հնչակյանները³⁴։ Ս. Դ. Հնչակի պատմագիր Ա. Կիտուրը հայտնում է, որ 1920 թ. գարնանը արդեն ձևավորվել էր բոլշևիկ-քեմալականների գործակցությունը³⁵։ Թուրք-բոլշևիկյան գործակցությունն այնքան ակնհայտ փաստ էր, որ դրան տեղյակ էին հասարակայնության լայն շրջանակներ, նույնիսկ Հայաստանի սահմաններից դուրս։ 1920 թ. ամռանը Թիֆլիսում հայերի կազմակերպած միտինգներից մեկում խորը ցասում ու վրդովմունք էր ուղղված թուրք-թաթար-բոլշևիկյան ռեակցիոն արշավին³⁶։

1920 թ. աշնանը թուրք-հայկական ճակատագրական պատերազմի ժամանակ ՀՍԴԲԿ, մյուս հայ քաղաքական կուսակցությունների հետ միասին, հանդես եկավ հայրենիքի պաշտպանության և ոսոխին արժանի հակահարված տալու վճռականությամբ։ Նա իր պատրաստակամությունը հայտնեց

²⁹ Նույն տեղում։

³⁰ Նույն տեղում, Բ. 1։

³¹ ՀՀ ՀԲԿ ՊԿԱ, ֆ. 1022, ց. 7, գ. 70, Բ. 1։

³² Նույն տեղում, Բ. 3։

³³ Նույն տեղում, գ. 73, Բ. 1։

³⁴ Երիտասարդ Հայաստան, 22. X. 1920։

³⁵ Ա. Կիտուր, Պատմություն Ս. Դ. Հնչակյան կուսակցության (1887—1962), հ. Ա, Բեյրութ, 1962, էջ 485։

³⁶ ՀՀ ՊԿԱ, ֆ. 476, ց. 1, գ. 184, Բ. 55։

աջակցել կառավարությանը և ըստ կարելիության օգնել ռազմաճակատում մարտնչող մեր զորամասերին: ՀՍԴԲԿ կն հրապարակեց առանձին կոչ՝ ուղղված հայ ժողովրդին՝ անարգ թշնամուն հակահարված տալու և հայ-րենիքը պաշտպանելու վերաբերյալ³⁷։ Հոկտեմբերի 26-ին Երևանում կայացած միջկուսակցական միտինգում կրակոտ ճառով հանդես եկավ Բ. Իշխանյանը՝ ընդգծելով երկրին սպառնացող վտանգն ու հայրենիքը պաշտպանելու անհրաժեշտությունը³⁸։

Այն բանից հետո, երբ արդեն պարտվել էր Հայաստանը և իր անկախ գոյությունը հաշվված օրեր էին մնացել, նոյեմբերի 23-ին, Հ. Օհանջանյանի գլխավորած Բյուրո-կառավարությանը փոխարինած Ս. Վրացյանի ձախ կոալիցիոն կառավարության մեջ մտնելու առաջարկ արվեց (բացի ՀսեՆ-ներից) ՀՍԴԲԿ գործիչներ Դ. Անանունին և Բ. Իշխանյանին։ Սակայն նրանք հրաժարվեցին³⁹։

«Սպեցիֆիկ» գործիչներից ՀՀ-ում առավել ակտիվ գործունեություն են ծավալել Դ. Անանունը և Բ. Իշխանյանը, որոնք, լինելով ընդդիմադիր կուսակցության ներկայացուցիչներ, միաժամանակ պաշտոնավարել են հանրապետությունում։ Մնունդով արցախցի այս երկու գործիչները եղել են խոսքի և գրչի վարպետներ և թողել են հարուստ փիտական, քաղաքական ու գրական ժառանգություն։ Բ. Իշխանյանը գրել է նաև գեղմաներեն լեզվով աշխատություններ, բնագրից հայերեն թարգմանել Կ. Մարքսի «Վարձու աշխատանք և կապիտալ» երկը և այլն⁴⁰։

Դավիթ Տեր-Դանիելյանը (Անանունը) 1919 թ. կեսերից «Հայաստանի կոոպերացիա» երկշաբաթաթերթի խմբագիրն էր Երևանում։ Իր բազմաժանր հոդվածներում, աշխատություններում և հրապարակային դասախոսություններում նա ամեն կերպ սատարում էր Հայաստանի անկախության ամրապնդմանը։ Դ. Անանունը, անկեղծորեն պաշտպանելով Հայոց անկախ պետականության գաղափարը, առանձնապես սուր քննադատության էր ենթարկում հայ հայրենախույս բուրժուազիային, որը «փոխանակ իր կապիտալը ի սպաս զենիտ սեփական ժողովրդի անկախության հիմքերն հաստատուն դարձնելու համար, բոլորովին է ենթարկել հայ հայրենիքը և դավեր է լարում նրա դեմ»⁴¹։ Դ. Անանունը ռուսահայերի հասարակական զարգացմանը նվիրված եռահատոր աշխատության մեջ «սպեցիֆիկյան» դիրքերից տալիս է XIX դ. և XX դ. սկզբների ռուսահայ հասարակական-քաղաքական մտքի և սոցիալ-տնտեսական հարաբերությունների զարգացման պատմությունը⁴²։ Այնտեղ կան, մեր կարծիքով, վիճելի ու անընդունելի դրույթներ ու դատողություններ, բայց և կան ճշմարիտ և ուսանելի մտքեր ու հետեւիություններ, որոնք ներդրում են (նոր խոսք են) հայ հասարակական-քաղաքական մտքի պատմության լուսաբանման ճանապարհին։

ՀՀ-ում ավելի պատասխանատու պաշտոն էր վարում Բախշի Իշխանյանը։ 1919 թ. հուլիսից նա գլխավորում էր հանրապետության Գյուղատնտեսության և պետական գույքի ղլխավոր վարչության երկրագործության բաժանմունքին կից Կենտրոնական վիճակագրական բյուրոյի աշխատանքները⁴³։ Արդեն 1920 թ. վիճակագրական այդ գիտահետազոտական հիմնարկը կոչվում էր Պետական ընդհանուր վիճակագրության գլխավոր բաժանմունք։

³⁷ Հառաջ, 3. X. 1920.

³⁸ ՀՀ ՊԿՊԱ, ֆ. 198, ց. 1, գ. 74, թ. 2.

³⁹ Ս. Վրացյան, Հայաստանի Հանրապետություն, Բեյրութ, 1958, էջ 491.

⁴⁰ Խ. Հ. Բարսեղյան, Մարքսիզմի տարածումը Հայաստանում (1905—1920), հ. 2, Ե., 1975, էջ 258.

⁴¹ Նոր սերունդ, 17. I. 1920.

⁴² Դ. Անանուն, Ռուսահայերի հասարակական զարգացումը, հ. 1, Բաքու, 1916, հ. 2, էջմիածին, 1922, հ. 3, Վենետիկ, 1926.

⁴³ ՀՀ ՊԿՊԱ, ֆ. 203, ց. 1, գ. 311, թ. 1, 4, ֆ. 200, ց. 1, գ. 427, թ. 107.

Բ. Իշխանյանը, փաստորեն, հանրապետության գլխավոր վիճակագիրն էր, Այդ ընթացքում նրա ղեկավարած բաժանմունքը ղիտահետադուտական ու գործնական ղղալի աշխատանք կատարեց, և արդյունքում հրատարակվեցին մի շարք վիճակագրական ուսումնասիրություններ ու տեղեկատու ժողովածուներ՝ բյուլետեններ ու տեղեկագրեր⁴⁴։

Հայաստանի քաղաքական կողմնորոշման հարցում «սպեցիֆիկներ» ցուցաբերել են փոփոխական դիրքորոշում։ Եթե սկզբում նրանք հակված էին դեպի Արևմուտք, ապա 1920 թ. վերջերից հանգամանքների բնականոն թելադրանքով՝ դեպի հորհրդային Ռուսաստան։ 1919 թ. ամռանը, երբ Փարիզի խաղաղության կոնֆերանսի հանձնարարականով Անդրկովկաս ժամանեց տարածաշրջանի գերագույն կոմիսար, ամերիկացի ղեկավար Վ. Հասկելը, այդ առթիվ Դ. Անանյանը դրեց «Ամերիկայի բազուկը» խորագրով հոգվածը։ Այնտեղ լիովին պաշտպանվում էր Հայաստանի արևմտյան կողմնորոշումը⁴⁵։ Բ. Իշխանյանը ԱՄՆ-ի հովանավորությունը գերադասելի էր համարում հայ ժողովրդի համար և դա հիմնավորում էր ԱՄՆ-ի տնտեսական հզորությունը ու քաղաքական բարձր կշիռը։ Նա միաժամանակ գտնում էր, որ եթե ԱՄՆ-ը հրաժարվի Հայաստանի մանդատից, ապա ավելի նախընտրելի կլինի Անգլիայի և Ֆրանսիայի հովանավորությունը։ Իսկ եթե դրանք էլ հրաժարվեն, ապա նոր՝ Ռուսաստանը⁴⁶։

Պետք է ասել, որ 1919 թ. հորհրդային Ռուսաստանի հարցում հայ քաղաքական շրջանակները, այդ թվում «սպեցիֆիկներ», հիմնականում ձեռնպահ էին մնում։ Դրա պատճառն այն էր, որ քաղաքացիական պատերազմի ճահճում խրված Ռուսաստանի քաղաքական ճակատագիրը անորոշ էր։ Միաժամանակ անընդունելի էր նրա բռնատիրական համակարգը։ Եվ վերջապես, ռազմաքաղաքական ծանր վիճակի պատճառով անհնար ու անհուսալի էր նրանից տնտեսական որևէ օգնություն ակնկալելը։

Մերժելով հորհրդային իշխանության ամրոգչատիրական համակարգը՝ «սպեցիֆիկներ», հայ ժողովրդի և Հայոց անկախ պետականության շահերի պաշտպանության տեսակետից, չէին բացառում մերձեցումը, քաղաքական ու տնտեսական հարաբերությունների ամրապնդումը հորհրդային Ռուսաստանի հետ։ «Եթե մեր վերաբերմունքը ժխտական է դեպի հորհրդային իշխանությունը՝ որպես վարչաձևի, — ասված է ՀՍԴԲԿ-ի կարևոր տակտիկական բանաձևերից մեկում, — դա դեռ չի նշանակում, որ մեր պետությունը պիտի թշնամաբար կամ բացասորեն վերաբերվի դեպի հորհրդային Ռուսաստանը՝ իբրև արտաքին ուժի։ Հայ ժողովուրդը, տնօրինելով իր քաղաքական բախտը ինքնուրույնաբար, պատրաստ է քաղաքական համաձայնություններ և առևտրա-տնտեսական պայմանագրերով բարեկամական հարաբերություններ պահպանել նախկին Ռուսաստանի նոր իշխանության հետ, ով ուզում է, թող լինի վերջինս»⁴⁷։ Այս ամենի հետ միասին ՀՀ կառավարությունից պահանջվում էր. «Օժտված լինել սեփական արժանապատվության գիտակցությամբ, պետության բոլոր սուվերեն իրավունքները դնահատել և տաշտպանել այն փոխհարաբերությունների ընթացքում, որ նա պիտի ունենա հորհրդային Ռուսաստանի հետ»⁴⁸։

Ինչ վերաբերում էր ՀՀ անմիջական հարևան պետությունների հետ հարաբերությունների խնդրին, ապա միանգամայն անհրաժեշտ ու օգտակար

44 Բ. Իշխանյան, Հայաստանի ապրանքափոխանակությունը 1919—1920 թթ., Ե., 1920, նույնի՝ վիճակագրական ուսումնասիրություն Անդրկովկասյան ժողովուրդների, Կ. 1, Բաթու, 1919։

45 Հայաստանի կոոպերացիա, 31. VIII. 1919, Գ. Լադյան, Հայաստան և Հայ Դատը, Ե., 1991, էջ 273։

46 Ժողովուրդ, 15. XI. 1919։

47 ՀՀ ՀՔԿՓ, ՊԿԱ, ֆ. 1022, ց. 7, դ. 72, թ. 11։

48 Նույն տեղում։

էր ընդհանուր դրացիական հարաբերությունների հաստատումը. գրեթե բոլոր հարեանների ու առաջին հերթին վրաստանի ու Իրանի հետ⁴⁹, Արցախի խնդրում «սպեցիֆիկները», Դ. Անանունի գլխավորությամբ, հանդես էին գալիս այն Հայաստանին անվերապահորեն միացնելու օգտին⁵⁰, ի տարբերություն հայ բոլշևիկների, էսէռների ու մենշևիկների, որոնք շատ հաճախ սեփական, քաղաքական, աշխարհագրական փաստարկներով բացասաբար էին արտահայտվում Արցախը Հայաստանին միավորելու հարցում, ՀՍԴԲԿ դրսևորեց ազգաշահ դիրքորոշում:

Եթե մարքսիզմի տեսական հարցերում «սպեցիֆիկները» ցուցաբերել են հետևողականություն, ապա գործնական ու մարտավարական խնդիրներում վարել են անկայուն, փոփոխական քաղաքական գիծ: Այդ բանը բացորոշ երևաց Հայաստանի խորհրդայնացումից հետո, նոր փոփոխված քաղաքական իրադրության մեջ, Մինչ այդ, բոլշևիզմի և խորհրդային իշխանության անհաշտ հակառակորդ համարվող «սպեցիֆիկները» արդեն 1920 թ. դեկտեմբերին, մասամբ բոլշևիկների վախից ու սպառնալիքից, մասամբ իրենց էությունը բնորոշ անսկզբունքայնությունից և, գուցե, հայրենիքի փրկելու ցանկությունից, պատրաստակամություն հայտնեցին աջակցել ու համագործակցել Հայաստանի խորհրդային իշխանության հետ: Հայ-հեղկոմին ուղղված հայտարարության մեջ ասված է. «Մեր վերաբերմունքը դեպի Հայաստանի խորհրդային իշխանությունը ոչ միայն բացասական չէ, այլև աջակցության և գործակցության պատրաստակամություն ենք արտահայտում ընդհանուր հայրենիքի պաշտպանության և բարգավաճման գործում»⁵¹: Սակայն նման հավաստիացումներն ու խոստումները ամենևին էլ չփրկեցին ՀՍԴԲԿ-ին ոչ մի բանի առջև կանգ չառնող բոլշևիկների հաշվհարդարից: 1920 թ. դեկտեմբերի 2-ին Երևանի համաձայնագրով Հայ-հեղկոմի իշխանության գլուխ անցնելուց մի քանի օր անց անտեսվեցին այդ համաձայնագրի գրեթե բոլոր կետերը, և Արտակարգ հանձնաժողովի (Չեկայի) կողմից սկսվեցին ձերբակալությունները: «Սպեցիֆիկները» ևս հայ քաղաքական մյուս կուսակցությունների (ՀԶԴ, ՀԺԿ, Հայ ռամկավար և այլն) նման արժանացան նույնաբնույթ խուզարկումների, ձերբակալությունների, հետապնդումների ու հալածանքների: Ձերբակալվածների թվում էր նաև ՀՍԴԲԿ ղեկավար գործիչ, բոլշևիկների անհաշտ հակառակորդ Բախշի Իշխանյանը⁵², նա ձերբակալվեց Հայաստանի խորհրդայնացման առաջին օրը՝ դեկտեմբերի 2-ին: Իր վկայությամբ՝ բանտարկության հրամանը տրվել էր հայտնի բոլշևիկ, պետական գործիչ ու ականավոր պատմաբան Աշոտ Հովհաննիսյանի թելադրանքով⁵³, Վերջինս այդ ժամանակ զբաղեցնում էր Բ. Լեգրանի դիվանագիտական միսիայի սեղեկատու բաժնի վարիչի պաշտոնը: Բ. Իշխանյանը երկու ամիս հայտնի չէր խորհրդային բանտում, որի մասին թողել էր սահմուկեցուցիչ դեպքերով հարուստ հիշողություններ⁵⁴:

Բայց, որպես ձախակողմյան կուսակցություն, ՀՍԴԲԿ անդամների մի զգալի մասը շատերի նման անցնում է բոլշևիկյան կուսակցության շարքերը, իսկ ոմանք էլ ծաղկում են: Հայաստանի խորհրդայնացումից հետո նախկին «սպեցիֆիկ» գործիչներից մեծաթվեց միայն (բայց ոչ տևականորեն) հայտնի տեսաբան Ալ. Ռուբենին: Անգամ Երևանում դրվեց նրա արձանը⁵⁵: 1912 թվականից Ալ. Ռուբենին հարեց բոլշևիկներին, իսկ 1920 թ. մարտի

49 Նույն տեղում, էջ 11—13:

50 Ժողովուրդ, 29. X. 1920:

51 ՀՀ ԶԺԿ ՊԿԱ, ֆ. 1022, ց. 7, դ. 75, թ. 1:

52 Ս. Վրացյան, Հայաստանի Հանրապետություն, էջ 511:

53 Բ. Իշխանյան, Երկու ամիս բոլշևիկյան բանտում, Կահիրե, 1924, էջ 9 և 24:

54 Նույն տեղում, էջ 147—172:

55 Ս. Կասյան, Սպեցիֆիկները և սպեցիֆիզմը, Թիֆլիս, 1928, էջ 44—45 և 100:

23-ին զոհվեց թուրք-մուսավաթականների կազմակերպած՝ Շուշիի հայտնի շարդերի ժամանակ⁸⁶։ Իրազեկենք, որ ստույգ չէ պատմարան Հ. Վարդանյանի հայտնած տեղեկությունն այն մասին, թե Ռուբենին Բաքվում է զոհվել⁸⁷։

Կոմունիստական (բոլշևիկյան) կուսակցության և նախկին «սպեցիֆիկների» միջև հաշտեցում չէր կարող լինել։ Այդ պայքարը սաստկացավ երկրում սոցիալիզմի կառուցմանը զուգընթաց և իր բարձրակետին հասավ 30-ական թվականների կեսերին, փաստենք, որ Ս. Կասյանի, Ա. Մռավյանի և մյուսների հակասպեցիֆիկյան սոցիալիստությունները զաղափարաքաղաքական զգալի հող նախապատրաստեցին նախկին «սպեցիֆիկների» բռնադատության ու հաշվեհարդարի համար։

Այսպիսով, Հայաստանի Հանրապետության (1918—1920 թթ.) փուլում «սպեցիֆիկների» կազմակերպությունը վերաճեց կուսակցության, ապրեց զաղափարաքաղաքական բարեշրջում (էվոլյուցիա) և հայ ազգային կուսակցություններին գրեթե համահավասար, քայլ առ քայլ կանգնեց Հայաստանի անկախության զաղափարի և ազգային-պետական շահերի պաշտպանության դիրքերում։ Սակայն Հայաստանի խորհրդայնացումից հետո ՀՍԴԲԿ-ն, մյուս քաղաքական կուսակցությունների պես, ենթարկվեց լուծարման ու բռնադատության։

«СПЕЦИФИКИ» В РЕСПУБЛИКЕ АРМЕНИЯ (1918—1920 гг.)

А. М. АКОПЯН

Р е з ю м е

В 1918—1920 гг. организация «спецификов» переросла в Армянскую социал-демократическую рабочую партию (АСДРП). Она подверглась идеологической и политической эволюции и наравне с армянскими националистическими партиями защищала идеи национальной государственности и независимости Армении.

После советизации Армении АСДРП, подобно другим политическим партиям, подверглась репрессиям и ликвидации.

⁸⁶ Ա. Գ. Հովհաննիսյան, Երկու բնութագիր (Սա. Շահումյան և Ալ. Ռուբենի), Ե., 1927, էջ 25, Հայաստանի կոոպերացիա, 31. VII. 1920, էջ 570.

⁸⁷ Հ. Գ. Վանդանյան, Հայ բուրժուա-ազգայնական կուսակցությունների դիրքավորումը ուսական առաջին հեղափոխության տարիներին (1905—1907 թթ.), Ե., 1975, էջ 187.